

Testo critico

Arnautz Daniels

I

1-8 Si.m fos amors de ioi donar tant larga,
cum ieu vas lieis d'aver fin cor e franc
ia per gran ben no.m calgra far embarc,
q'er'am tan aut qe.l pes mi poia e.m tomba.
Mas qand m'albir cum es de pretz al som
mout m'en am mais car anc l'ausiei voler
c'aras sai ieu que mos cors e mos sens
mi farant far, lor grat, richa conquesta.

II

9-16 Pero s'ieu fatz lonc esper no m'enbarga
q'en tant ric luoc me sui mes e m'estanc
c'ab sos bels digz mi tenra de ioi larc
e segrai tant q'om mi port a la tomba;
q'ieu non sui ies cel que lais aur per plom
e pois en lieis no.is taing c'om ren esmer
tant li serai fis et obediens
tro de s'amor, si.l platz, baisan m'envesta.

III

17-24 Us bons respieitz mi reven e.m descarga
?d'un doutz desir don mi dolon li flanc
car en patz prenc l'afan e.l sofr'e.l parc
pois de beutat son las autras en comba
?que la gensser par c'aia pres un tom
plus bas de liei, qui la ve, et es ver,
que tuig bon aip, pretz e sabers e sens
reignon ab liei, c'us non es meins ni.n resta.

IV

25-32 E pois tant val, no.us cuietz que s'esparga
?mos fermes volers ni qe.is forc ni qe.is blanc
car ieu non sui sieus ni mieus, si m'en parc
per cel seignor qe.is mostret en colomba,
q'el mon non a home de negun nom
tant desires gran benanansa aver
cum ieu fatz lieis e tenc a non-calens
los enoios cui dans d'amor es festa.

V

33-40 Na Mieills-de-Ben ia no.m siatz avarga,
?q'en vostr'amor mi trobaretz tot blanc
q'ieu non ai cor ni poder qe.m descarc
• letto 3521 volte
del ferm voler que non hieis de retomba

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002
que qand m'esveill ni clau los huoills de som
a vos m'autrei qan leu ni yau iazer
e no.us cuietz qe.is merme mos talens

Source URL: <https://letteratura.europa.let.uniroma1.it/?q=laboratorio/testo-1>
VI

41-48 Fals lausengier fuocs las lengas vos arga
?e que perdatz los huoills amdos de cranc,
que per vos son estraich cauail e marc:
Amor toletz c'ab pauc del tot non tomba.
Confonda.us Dieus, que ia non sapchatz com,
qe.us faitz als drutz maldir e vil tener;
?malastres es qe.us ten desconoissens,
car peior etz qui plus vos amonesta.

T

49-50 Arnautz a faitz e fara loncs atens
?q'atenden fai pros hom rica conquesta.